

ՀԱՅԿԱԿԱՆ ԴՐՈՇՄԱՆԻՇ ԴՈՏԻՈՎ ԿԱՐԱՍՆԵՐԻ ԶԱՐԴԱՋԵՎԵՐԸ

Յ. Ս. ԲԱՐԱՅԱՆ

Հնագիտական պեղումներից հայտնաբերված նյութերի մեջ բնորոշ խումբ են կազմում XI—XIII դդ. պատկանող միջնադարյան Հայաստանի դրոշմազարդ կարասները, որոնք իրենց ինքնատիպ զարդերով ու սիմվոլիկ պատկերներով բաղմիցս արժանացել են մի շարք գիտնականների ուշադրության<sup>1</sup>։

Այս դրոշմազարդ կարասները միատեսակ չեն, նրանք օգտագործվել են տարբեր նպատակների համար և այդ պատճառով արտաքին ձևերով տարբերվում են միմյանցից։ Սրանց մի տեսակը երկարավուն է, առանց ունկի, փոքր նստուկով և նեղ բերանով. մեծ մասամբ պահվել է մառաններում և կիսով չափ թաղվել գետնի մեջ, որի պատճառով էլ նրանց ստորին մասը ներկված չէ<sup>2</sup>։

Մյուս տեսակը՝ ուռուցիկ իրանով է, ունի երկուսից-չորս կանթ, բերանի լայն բացվածք, ներկված է մուգ և հաճելի կարմիր գույնով, որը, ինչպես Կ. Ղաֆադարյանն է գտնում, օգտագործվել է որպես սեղանի սպասք<sup>3</sup>։

Կարասների այս երկու ձևերն էլ իրենց վրա ունեն հետաքրքիր զարդեր, որոնք կատարվել են միջնադարյան հայ վարպետների կողմից տարբեր եղանակներով։ Կավամանները զարդարելու համար սլատրաստվել են հատուկ գլանաձև կլոր կնիքներ և չափավոր ճնշումով պատեցրել կարասի իրանի վրայով, ստանալով քանդակազրոշմ պատկերներ<sup>4</sup>։ 2—5 սմ լայնությամբ։ Զարդագոտիները ձգվում են կարասների փորի շուրջը, բայց պատկերները կրկնվում են յուրաքանչյուր 10—20 սմ-ից հետո<sup>5</sup>։

Պատկերների յուրաքանչյուր հատված մյուսից բաժանված է սանդղաձև զարդով, կամ ոճավորված կենաց ծառերով. սա պատկերներին տալիս է ավելի ամբողջական տեսք։ Օրան-Կալայի և Գանձակի կարասների վրայի պատկերներն այս սահմանազատումը չունեն. թռչուններն ու կենդանիները հաջորդում են իրար, շրջապատված կետերով և զարդագծերով։ Գ. Մ. Ահմեդովը դա համարում է ազգային արվեստի առանձնահատկություն<sup>6</sup>, անտեսելով սակայն, որ Հայաստանում այդպիսի ամանները շատ ավելի մեծ թիվ են կազմում և նրանց տարածումը դուրս չի դալիս հայաբնակ վայրերից։ Դրոշմազարդ կա-

1 Կ. Ղաֆադարյան, Դվին քաղաքը և նրա պեղումները, Երևան, 1952, Բ. Առաքելյան, Քաղաքները և արհեստները Հայաստանում 9—13-րդ դդ., Երևան, 1958  
Г. О. Караханян, Неполивная орнаментированная керамика из раскопок Двина и Ани, 1954 (автореферат канд. дисс.). Г. Чубинов, Декоративное убранство Анийских карасов, Петроград, 1916. Б. А. Шелковников, Художественная керамическая промышленность средневековой Армении. Известия, 1949, Ереван.

2 Կ. Ղաֆադարյան, նշվ. աշխ., էջ 188.

3 Նույն տեղում։

4 Բ. Առաքելյան, նշվ. աշխ., էջ 224.

5 Г. М. Ахмедов, Неполивная керамика Орен-Кала IX—XII вв., МИА, 67, стр. 202.

րասների վրայի դարդերը առաջին հայացքից թվում են պարզ ու հասարակ, Սակայն մանրադնին ուսումնասիրությունը ցույց է տալիս, որ այս պատկերները զարդաձևեր լինելուց բացի, ունեն նաև որոշակի բովանդակություն, որտեղ արտացոլված է հայ ժողովրդի կենցաղն ու հոգևոր մշակույթը:

Այդպիսի բովանդակություն ունեն նաև մեր տրամադրության տակ գտնվող Անիի դրոշմազարդ կարասների բաղմաթիվ բեկորներ<sup>6</sup>, որոնցից մի քանիսը այստեղ քննության ենթադրում:

Ուշադրության արժանի է Անիից պեղված կարասի մի կտորը<sup>7</sup>, որի վրա դրոշմված է ոճավորված ծառ՝ պտուղներով բեռնված. սրա երկու կողմերում կանգնած են երկու եղջերուներ, որոնց միայն գլուխներն են նշմարվում (տե՛ս նկ. 1): Կենաց ծառի մոտիվը տեսնում ենք նաև Անիի մեկ այլ կարասի բեկորի վրա<sup>8</sup>: Այստեղ պատկերված են կենդանիներ, եղնիկ, որին հետապնդում է բերանը լայն բացած, ոճավորված պոչով գալլը, վերջինիս հետևից վազում է եղջերուն, ասես, ձգտելով վերկել իր ձագուկին (տե՛ս նկ. 2):

Համանման մի ուրիշ մոտիվի ենթ հանդիպում նաև Դվինի դրոշմազարդ կարասի վրա, որտեղ պտուղներով լեցուն ծառի երկու կողմում այծեր են դրոշմված: Այս և նման բաղմաթիվ ամանների վրա պատկերված ծառերը ոչ այլ ինչ են, եթե ոչ աճման և պտղաբերության խորհրդանշաններ, որոնցով այնքան հարուստ է մեր զարդարվեստը:

Անասնապահությանը և երկրագործությանը զբաղվող ժողովուրդներին, այդ թվում նաև հայ ժողովրդին չէին կարող չհետաքրքրել բնության մեջ տեղի ունեցող երևույթները<sup>9</sup>: Նրանք իրենց գոյությունը ապահովող գլխավոր աղբյուրներից մեկը համարում էին բուսական և կենդանական աշխարհը, որն իր արտացոլումն է գտել հայկական ճարտարապետական կոթողների զարդաքանդակներում<sup>10</sup>: Գիտելիքների համեմատաբար պակասը նրանց հանգեցրել է սխալ եզրակացությունների, այդ պատճառով բուսական աշխարհում տեղի ունեցող բոլոր երևույթներին հին ցեղերն ու ժողովուրդները, դրանց թվում նաև հայերը, վերագրել են գերբնական ուժ, կապել նրանց դանադան աստվածությունների հետ, զարձրել պաշտամունքի առարկա: Այս սովորույթը չվերացավ նաև քրիստոնեությունից հետո: Հայաստանի շատ բնակավայրերում մինչև վերջին ժամանակներս կային ծառեր, որոնց ժողովուրդը պաշտել է, նրանցով երգվել<sup>11</sup>, Այդ սուրբ ծառերը շորանալուց հետո անգամ չէին կտրում, փտած բների փոշին օգտագործում էին իբրև բուժական միջոց:

Միջնադարյան գրիչների կողմից հիշատակվում է փենուա կոչված ծառը. որի մասին ավանդել են.

«Յրոժամ ծխես, դեն փախչի, թե զարմատն տերևովն ծխես, ոչ դև, ոչ շա՛ր զմերձենա ի բեղ և ոչ ի տուն քո»<sup>12</sup>:

Հայտնի է, որ Վանի Ականց գյուղի ս. Գևորգ վանքի հացենու ծառերի առջև խուճկ են ծխել, մոմ վառել և դրանց տերևների ջրով լվացվել են<sup>13</sup>:

6 Այդ ելույթները պահվում են ՊՊԹ ֆոնդերում, կոլ. 123:

7 ՊՊԹ 123/62:

8 ՊՊԹ 123/61:

9 Աս. Ո՛րն ա ց ա կ ա ն յ ա ն, Հայկական զարդարվեստ, Երևան, 1954 (գլուխ 1-ին):

10 Բ. Ն. Առաքելյան, Հայկական պատկերաքանդակները 4—7-րդ դդ., Երևան, 1949:

11 Խ. Սամուելյան, Հին Հայաստանի կուլտուրան, Երևան, 1934, էջ 211:

12 Ալիշան, Հին հավատք կամ հեթանոսական կրոնը Հայոց, էջ 74:

13 «Ազգադրական հանդես», հ. 25, էջ 40:

Շատ երկրներում, ինչպես և Հայաստանում հարսանեկան հանդեսների ժամանակ սկեսուրը բարձր տեղից «ընկույզ կամ կալին» էր շաղ տալիս հարսի գլխին, ապահովելով նորաստեղծ ընտանիքի կյանքի պտղաբերությունն ու առատությունը:

Իսկ Համբարձման սուրճի արարողությունը հենց գարնան, բուսական աշխարհի ծաղկման, պտղաբերության վառ արտահայտությունն է, երբ բաղմաբարձան սովորույթների համաձայն երիտասարդ աղջիկները դիմում էին ծաղիկներին, ցանկանալով գուշակել իրենց ապագան<sup>14</sup>:

Այս օրինակներից պարզվում է, որ հնագիտական իրերի, տվյալ դեպքում կարասների վրա, այնքան շատ հանդիպող ծառերը լոկ դեկորատիվ դարդեր չեն, այլ կենաց ծառեր՝ սերտ կասկած մեր նախնիների ըմբռնումների և սովորույթների հետ: Այս ամենից հետո ճիշտ չի լինի, եթե համաձայնվենք Բ. Ա. Լատինին և Գ. Մ. Ահմեդովի հետ, որոնք Գանձակի, Օրան-Կալայի այնքան շատ և բաղմաբույանդակ կարասների վրայի պատկերները ուսումնասիրելուց գրում են. «Մենք չգիտենք, թե ի՞նչ էին մտածում աղբբեջանցի կավադորժները XII—XIII դդ., երբ կարասների վրա ծառեր էին պատկերում: Պտղաբերության և անմահության դադափարը արտահայտող կենաց ծառից այստեղ շատ քիչ բան է մնացել: Չնայած այդ պատկերները ոճավորված են, սակայն նրանք լոկ որսյես բնության մասնիկ են հանդես գալիս և շունեն ոչ մի դադափարական բովանդակություն»<sup>15</sup>:

Կարասների վրայի կենաց ծառերը հանդիպում են մի քանի ձևերով՝ պտուղներով, առանց պտուղների, եղևնաձև<sup>16</sup> և, վերջապես, ոռմբաձև:

Ռոմբաձև կենաց ծառերի բովանդակությանը անդրադարձել է Աս. Մնացականյանը և բաղմաթիվ օրինակների թվում վկայակոչել նաև Անիի կարասները<sup>17</sup>:

Ռոմբաձև կենաց ծառ է դրոշմված մի բեկորի վրա, որտեղ պատկերված են այծեր և երկու մարդ<sup>18</sup> (տե՛ս նկ. 3): Մի այլ բեկորի վրա<sup>19</sup>, թռչունի՝ հավանաբար սիրամարգի, այծի, ձեռքերը վեր պարզած մարդու կողքին նույնպիսի մի ծառ ենք տեսնում: Իսկ մեկ ուրիշ դրոշմազարդ կարասի բեկորի վրա պատկերված են բաղ, երկու մարդ ոռմբաձև ծառի աջ և ձախ կողմերում, նրանց կողքին՝ շուն<sup>20</sup> (տե՛ս նկ. 4):

Պետք է ենթադրել, որ այս ոռմբաձև դարդը պարզապես խիստ ոճավորված կենաց ծառ է, որը մարդկանց և կենդանիների հետ միասին հանդես գալով, պտղաբերություն է իմաստավորում: Կենաց ծառը իր բաղմաթիվ ձևերով հանդիպում է ուրարտական կնիքների, սաղավարտների, ասորական, հունական և այլ երկրների նյութական կուլտուրայի հուշարձանների վրա, միջնադարյան հայկական մանրանկարչության մեջ:

Կարասների վրայի այս կենաց ծառերը, ինչպես տեսնում ենք, ինքնու-

<sup>14</sup> Աս. Մնացականյան, նշվ. աշխ., էջ 10:

<sup>15</sup> Б. А. Латынин, Изв. ГАИМК, вып. 69, стр. 8. Г. М. Ахмедов, МИА, 67, стр. 204.

<sup>16</sup> Г. О. Караханян, укр. работа (автореферат), стр. 18.

<sup>17</sup> Աս. Մնացականյան, նշվ. աշխ., էջ 169:

<sup>18</sup> ՊՊԹ 123/186:

<sup>19</sup> ՊՊԹ 123/110:

<sup>20</sup> ՊՊԹ 123/97:

յույն հանդես չեն գալիս: Կենդանիներն ու թռչունները, ինչպես և մարդիկ ուղեկցում են սրանց, ակնհայտ դարձնելով պատկերի դադափարական բովանդակությունը:

Այսպես, Անիի մի կարասի վրա պատկերված են երեք մարդ, ձեռքերը վեր բարձրացրած, սրանց կողքին կենդանի և սկավառակ: Համանման մոտիվ ենք տեսնում Դվինի միջնաբերդում գտնված կարասի վրա<sup>21</sup>, որտեղ դրոշմված է կենաց ծառ, ձախ կողմում եղնիկ և ինչ-որ թռչուն, աջ կողմում՝ իրար ձեռք բռնած երեք մարդ:

Կ. Ղաֆաղարյանի կարծիքով այս պատկերները որսի, պարի, խրախճանքի տեսարաններ են, որոնք այնքան սիրված են եղել միջին դարերում<sup>22</sup>: Հավանաբար, սրանք իրոք ուրախության տեսարաններ են: Սակայն կենաց ծառերի ու կենդանիների առկայությունը հիմք է տալիս ենթադրելու, որ այստեղ գործ ունենք ժողովրդական որևէ տոնի, ծիսական որևէ արարողության հետ<sup>23</sup>, որը պետք է, որ կապված լինի պտղաբերության պաշտամունքի հետ: Անիի № 96 կարասի բեկորի վրա պատկերված եկեղեցին, մարդը, կենաց ծառի կողքին կանգնած թռչունները պետք է որ եկեղեցական արարողություն պատկերող զարդամոտիվներ լինեն (տե՛ս նկ. 5):

Կարասների վրայի ամենատարածված թռչունը սիրամարզն է<sup>24</sup>, որ կարելի է տեսնել նաև հայկական ճարտարապետական հուշարձանների ու քարե կոթողների վրա: Դրանք պատկերված են դեմ-դիմաց, կենաց ծառի երկու կողմում (Անի, 123/69): Դարեգին Հովսեփյանը գտնում է, որ սիրամարզը բացի դեկորատիվ զարդ լինելուց, հանդես է գալիս նաև որպես հոգու անմահության խորհրդանիշ: Կարասների վրա շատ են հանդիպում նաև աղավնու պատկերներ<sup>25</sup> (տե՛ս նկ. 6): Կենաց ծառի երկու կողմում կանգնած աղավնիները պտղաբերության տիպիկ օրինակներ են:

Ազգադրական նյութերից պարզվում է, որ աղավնին օրհնված թռչուն է, երբ նոյր տապանից նրան բաց թողնեց զարնան լուր բերելու, ազոավր հարձակվեց և կծեց նրա լեզուն: Աղավնին, սակայն, նոյին լուր տանելու հնարքը գտավ: Նա կտրեց կանաչած ծառի ճյուղը և տեղ հասցրեց, որից նոյր հասկացավ, որ ջուրը ցամաքել է: Այդ օրվանից ազոավր անիծված թռչուն է համարվում, իսկ աղավնին՝ բարի<sup>26</sup>: Քրիստոնեական կրոնի մեջ աղավնին համարվում է «սուրբ հոգի»:

Կարասների վրա հանդիպում են շների պատկերներ: Նախնադարյան մարդը դեպի շունը տածել է խորհրդավոր ակնածանք<sup>27</sup> (տե՛ս նկ. 7):

Հայկական մտածողությամբ, շունը ամենասերտ կերպով կապված է եղել իր տան տիրոջ հետ և ոռնացել է, տեսնելով մահվան հրեշտակի մոտենալը տիրոջ տանը:

21 ՊՊԹ 1794/275.

22 Կ. Ղաֆաղարյան, նշվ. աշխ., էջ 188:

23 Բ. Առաքելյան, նշվ. աշխ., էջ 225:

24 Г. О. Караханян, Неполиванная орнаментированная керамика из раскопок Двина и Ани, 1954, стр. 22.

25 Г. Чубинов, ук. соч., табл. XVII, рис. 2.

26 «Ազգադրական հանդես», հ. 25, էջ 47, № 2:

27 ՊՊԹ 123/9, 123/57, 94, 68 այս բեկորների վրա շունը պատկերված է տարբեր դիրքերով. վաղրի մեջ, աքաղաղի, կենաց ծառի, այծերի, մարդկանց ուղեկցությամբ:

Տեառն ընդ առաջ եկեղեցական տոնի օրը մարդիկ կրակ վառելիս հրադեն էն արձակել, որի ձայնից շները վախել են այս ու այն կողմ։ Փախուստի ուղղությունը համարվել է այդ տարվա համար առատություն բերող կողմ<sup>28</sup>։

Լինելով մարդուն հավատարիմ կենդանի, հասկանալի կերպով, շունը դասավել է տոտեմների շարքը։ Այդ կենդանին իր մեջ պարունակել է նախահոր կերպարանափոխված հոգին<sup>29</sup>։

Հին հայերը հավատում էին, որ արայեղները առաջացել են շներից։ Ըստ եզնիկ Կոլբացու, դրանք այն աստվածներն են, որոնք սերվել էին շներից և Կեներեույթ զորությունը լիզում և հարություն էին տալիս կովում ընկած հերոսներին<sup>30</sup>։

Կարասների վրա հանդիպում են նաև դայլի պատկերներ<sup>31</sup>։ Ըստ հավատալիքների՝ դայլը բնության և հասարակության շար ուժերի մարմնացման արտահայտություններից մեկն է։ Հայերի մոտ, բարեկենդանի շորեքշաբթի օրը, որը «գելի տոն» է կոչվում, կանայք հանդիստ են առնում, որպեսզի իրենց տներն ու ճամփաները դայլի վտանգից դերժ մնան<sup>32</sup>։ Շատ տանտիկիները գայլի վեզը կախում էին իրենց զոտիներից, որպեսզի տան յուզին, թան ու թացանին շար աչք չդիպչի։

Մեծ հետաքրքրություն է ներկայացնում Անիում գտնված կարասի այն բեկորը<sup>33</sup>, որի վրա զրոշմված է հեծյալ, կողքին հավանաբար արևը նշանավորող, մի շրջանակ, հետո մարդ, որը բարձրացրած ձեռքում ինչ-որ գործիք ունի։ Նրա կողքին ոճավորված թռչուն՝ սիրամարգ, պտուղներով ծանրաբեռնված թաս և կենաց ծառ։ Սա նման է որսորդական տեսարանի, որն այնքան տարածված է եղել ավատական դասի կենցաղում։

Որսորդությունը միջնադարում հարգված և սիրված զբաղմունք էր, այն դիտվում էր որպես քաջության և հերոսության ցուցադրություն։ Հայտնի է, որ Արշակունիների, Բագրատունիների խաղաղ ժամանակվա ամենասիրելի զբաղմունքը որսորդությունն էր, որը երգվել է պոեզիայում, արտացոլվել միջնադարյան նկարիչների ստեղծագործություններում և դարձել է արևելքում արտադրող բազմապիսի պատկերազարդ կավամանների հիմնական թեմաներից մեկը<sup>34</sup>։ Պարզ է, որ որսորդության մեջ այնքան մեծ դեր խաղացած ձին էլ պետք է իր արտացոլումը գտներ կիրառական արվեստում, ինչպես նաև ժողովրդական հեքիաթներում, երգերում, որտեղ քաջ ու համարձակ հերոսները ծովից դուրս եկած հրեղեն ձիերով հաղթում են շար ուժերին (Հրեղեն ձիու տիպիկ օրինակ է Սասնա Մհերի Քուռկիկ Ջալալին, որը մեկ թոխչով արևին կարող էր հասնել)։

Անիի կարասի այս պատկերն էլ կարծես նույն միտքն է արտահայտում։ Խրոխտ ձին, համարձակորեն ձեռքերը վեր բարձրացրած մարդիկ, կարծես, աղթական մարտի մունետիկներ լինեն, իսկ նրանց կողքին զրոշմված կենաց

28 «Ազգագրական հանդես», 7—8-րդ, էջ 122։  
29 Խ. Ս ա մ ու լ յ ա ն, Հին Հայաստանի կուլտուրան, էջ 190։  
30 Գր. Ղ ա փ ա ն ց յ ա ն, Արա Կեղեցիկի պաշտամունքը, էջ 28։  
31 ՊՊԹ 123/61, 123/146, 158։  
32 Խ. Ս ա մ ու լ յ ա ն, նշվ. աշխ., էջ 208։  
33 ՊՊԹ 123/69։  
34 Բ. Ա ո ա ք ե լ յ ա ն, Հայկական պատկերաքանդակները 4—7-րդ դդ., էջ 66։

ծառը սիրամարգի հետ միասին նկարին տալիս է գարնան, պտղաբերության հարատևման գաղափար արտահայտող բուլանդակություն:

Համանման պատկեր ունի Արմավիրից պեղված կարասի բեկորը, այն տարբերությամբ միայն, որ վերջինիս վրա պատկերված են վերադիր կերպով առյուծի թաթեր: Ձիու պատկերով կարասի բեկորներ գտնվել են նաև Դվինում<sup>35</sup>, Գառնիում, Օրան-Կալայում, Գանձակում և միջնադարյան այլ քաղաքներում:

Բացի ձիերից, կարասների վրայի պատկերներում շատ են հանդիպում եղնիկներ, եղջերուներ, վայրի այծեր, ոչխարներ, որոնք հեռավոր ժամանակներից ծանոթ են եղել տեղական ժողովուրդներին և սերտ կապվել նրանց կրոնական պատկերացումների հետ:

Այսպես, Անիից գտնված մի կարասի բեկորի վրա<sup>36</sup> պատկերված են եղնիկներ՝ վաղքի ժամանակ, նրանց կողքին մարդ, ձեռքերը վեր պարգած: Մեկ ուրիշ կարասի վրա, կենաց ծառերի միջև դրոշմված են եղջերուներ վաղքի ընթացքում: Նույնատիպ պատկերով կարասներ հայտնի են Գառնիից, Դվինից, Գանձակից և այլ վայրերից: Եղնիկների պատկերներ են կրել նաև հայկական մանրանկարչության լավագույն նմուշները: Հայկական ժողովրդական հին ծեսերում եղջերուները երևան են գալիս որպես տոտեմի մնացուկներ:

Տոտեմի մնացորդ են համարվում նաև կարասների վրա այնքան հանդիպող այծերի պատկերները, կենաց ծառերի ուղեկցությամբ: Անիից պեղված գոտեզարդ մի կարասի բեկորի վրա<sup>37</sup> (տե՛ս նկ. 8), զիգզագաձև սյուների միջև դրոշմված է այծ, որը կերակրում է իր ձագին, նրանց հետևում կանգնած է սիրամարգ, կտուցը հենած ալծի պոչին: Համանման տեսարան ունի նաև Անիի կարասի բեկորը<sup>38</sup>, որտեղ ոճավորված այծերն իրենց ուղիկների հետ, անկասկած, պտղաբերության իմաստ են արտահայտում: Նույնատիպ պատկերներ ունեն Դվինից և Գառնիից պեղված կարասները<sup>39</sup>: Բավական ինքնատիպ է Անիի կարասի այն բեկորը, որի վրա պատկերված են այծեր, ուլեր, ոճավորված մարդ, որն, ասես, ձեռքին պահած ունի նետ ու աղեղ. վերջինիս կողքին դրոշմված է (կետերի մեջ առնված) երկթև ծայրեր ունեցող խաչ<sup>40</sup> (տե՛ս նկ. 9): Պետք է ենթադրել, որ այստեղ խաչը, որպես կենաց ծառ, կամ արևը նշանավորող սիմվոլ է հանդես գալիս, որն, անկասկած, հանգեցնում է կյանքի հարատևության գաղափարին: Նման պատկերով մի կարասի բեկոր կա Օրան-Կալայից պեղված նյութերի մեջ<sup>41</sup>, որտեղ կետերի մեջ առնված խաչի երկու կողմում կանգնած են խիստ ոճավորված այծեր. սրանց մեջքին նստած են վերօիններիս ձագերը: Գ. Ա. Ախմեդովը այն համարելով քրիստոնեական սիմվոլ, գտնում է, որ դա լուկ պատահականություն է և մահմեդական միջավայրին խորթ երևույթ: Այո, խաչը մահմեդական միջավայրին խորթ երևույթ է, սակայն ոչ պատահական Օրան-Կալայի համար:

35 Հետաքրքրական է Դվինի 1417/297 կարասի բեկորը, որտեղ թերևս աստղերի մեջ աղավաղված հետ պատկերված են այծեր, ձիեր, դինամիկ թռչնի ընթացքում: Սա երկնային մի զեղեցիկ տեսարան է:

36 ՊՊԹ 123/60.


37 ՊՊԹ 123/126.

38 Г. Чубинов, Декоративное убр. анийских карасов, табл. XXI, № 1.

39 Б. Н. Аракелян, Гарни, I, Ереван, 1958, 74, 64.

40 Г. Чубинов. Декоративное убранство анийских карасов, табл. XVII, рис. 3.

41 Г. М. Ахмедов, указ. соч., 199, табл VI.



Օրան-Կալայում պեղված ղրոշմաղարդ կարասները, նույնիսկ իրենց վրա ունեցած պատկերների առանձնահատկություններով, չեն կարող անջատվել Հայաստանի միջնադարյան քաղաքներից պեղված նույնանման նյութերից, քանի որ այս պատկերներն իրենց տարատեսակներով և բովանդակությամբ արդասիք են մեկ ընդհանուր մշակույթի, Բացի այդ, ինչպես պարզված է, խաչը որպես զարդաձև շատ ավելի վաղ է երևան եկել (նախքան քրիստոնեությունը) և ինքնուրույն կերպով տարածվել է շատ ժողովուրդների մոտ<sup>42</sup>:

Դիմենք հայկական սկզբնաղբյուրներին՝

«Քանդի ի ձև խաչի, բաղում կերպարանք են յօրինեալք երկինս և ի վերա երկրի, նաև յանբան կենդանիս...»<sup>43</sup>:

Հին ժողովրդական ըմբռնումների հետ են կապված այժմերը, որոնք, ինչպես հայտնի է, տնտեսական կյանքում այնքան էլ մեծ դեր չեն կատարել: Պետք է ենթադրել, որ այս կենդանիները հնագույն ժամանակներից կապված լինելով որոտի, կայծակի, փոթորկի, ամպի պաշտամունքի հետ, պտղաբերության և առատության դադափար են իմաստավորել: Հավանաբար այդպիսի գաղափար է արտահայտում մեր նյութերի մեջ եղած կարասի բեկորի վրա վերարտադրված պատկերը<sup>44</sup>, ուր երկնային լուսատուների, աստղերի, արեւը խորհրդանշող երկու շրջանակների կողքին պատկերված է ցատկող այծ: Ըստ Բ. Առաքելյանի, «Վիշապաբաղը հարաբարդված է վիշապ և քաղ բառերից, որը և նշանակում է վիշապաայծ: Վերջինս Վահագն աստծու կերպարն է, առաջացած նրա պաշտամունքի ավելի վաղ փուլում, երբ ամպրոպի, փոթորկի և ամպի աստվածությունը մի էր և հանդես էր դալիս արու այծի և թևավոր վիշապի մասին պատկերով»<sup>45</sup>:

Անիի կարասների վրա հաճախ են հանդիպում աքաղաղի, հավի, բաղի պատկերներ<sup>46</sup>: Հայ ժողովրդական հավատալիքներում պահպանվել են հավերի ու աքաղաղների հետ կապված շատ ավանդություններ: Այսպես, Փութկաս. Գևորգ վանքում պահվել է մի աքաղաղ, որն իբր կուսակրոնի կյանք է վարել: Նա աղատորեն օգտվել է վանքի բարիքներից և սատկելիս էլ «պատանքով» է թաղվել: Այս աքաղաղը իբր գուշակող է եղել. «Երբ նա խոսի, ուղևորները կվստահեն ճամփա ելնելու, երբ օղը վտանգավոր թվի, քանի մը օր բոլորովին անխոս կմնա»<sup>47</sup>:

Հայտնի է նաև, որ աքաղաղը որպես պտղաբերության ուժ է հանդես եկել: Իվ կարասների վրա տարբեր կենդանիների, թռչունների, ծառերի հետ հանգես գալը նրան դուրս է բերում կենդանական աշխարհից և տալիս սիմվոլիկ մեկնաբանություն:

Անիում է դտնվել նաև մի կարաս, որի վրա ունի կերպով ղրոշմված է հեծյալ, հետևից հետիոտն, որի բարձրացրած ձեռքում ինչ-որ գործիք կա: Հեծյալի ու հետիոտնի միջև շրջանակ է երևում. նույն կարասի վրա ղրոշմված է երեք զույգ առյուծ՝ կանգնած դեմ առ դեմ<sup>48</sup>: Պետք է ենթադրել, որ առյուծն

42 Происхождение креста, Сборник статей, Москва, 1927, стр. 3.

43 Ն. Շ Ն Ո Ր Հ Ա Ղ Ի, Թուղթ ընդհանրական, էջմիածին, 1865, էջ 375:

44 Г. Ч у б н о в, указ. соч., табл. XXII, рис. 7.

45 Բ. Ա Ռ Ա Ք Ե Ղ Յ Ա Ն, Դիտողություններ Վիշապաբաղ Վահագնի մասին, «Տեղեկագիր», 1961, № 2:

46 ՊՊԹ 123/4, 13, 92, 49 և այլն:

47 Գ. Ս Ր Վ Ա Ն Ժ Մ Յ Ա Ն Գ, Գրոց ու բրոց, Պոլիս, 1874, էջ 106:

48 Բ. Ա Ռ Ա Ք Ե Ղ Յ Ա Ն, Քաղաքները և արհեստները Հայաստանում 9—13-րդ դդ., 52

այստեղ ներկայացված է որպես ուժի և իշխանության սիմվոլ<sup>49</sup>։ Առյուծի պատկերով ամաններ շատ են հանդիպում Մերձավոր արևելքում<sup>50</sup>։

Շատ են և բազմազան Անիից, ինչպես նաև միջնադարյան այլ քաղաքներից հայտնաբերված զրոշմաղարզ կարասների պատկերները, որոնք զալով վաղնջական անցյալից, շարունակում են մնալ որպես թարմ արվեստ, կապվելով մեր ժողովրդի հոգևոր կյանքին ու մտածողությանը։

Այսպիսով, եղած փաստերն ու օրինակները մեկ անգամ ևս վկայում են, որ կավամանների վրայի յուրօրինակ արվեստը բուն ազգային բնույթ ունի<sup>51</sup> և չի կարող, ինչպես թյուրիմացաբար Գ. Ն. Զուբինաշվիլին է գտնում, վրոխառություն լինել։

Հայ ժողովրդի հոգևոր մշակույթը նրա ներքին զարգացման արտահայտությունն է, և դադստանյան պղնձե կաթսաների վրայի զարդանկարները չէին, որ պետք է ազդեին մի ժողովրդի վրա, որն արդեն ուներ հազարամյակների խորքից եկող ավանդություններ և մշակույթ։

## ТИПЫ АРМЯНСКИХ ШТАМПОВАННЫХ КАРАСОВ

Ф. С. БАБАЯН

### Резюме

В результате археологических раскопок обнаружен ряд материалов, относящихся к средневековой Армении XI—XIII вв. Среди них значительную группу составляют карасы, которые своими орнаментами и сюжетными изображениями привлекали внимание многих исследователей.

Детальное изучение карасов показало, что изображения, имеющиеся на них, помимо декоративного назначения, имеют определенное идейное содержание, отражающее ряд явлений духовной и материальной культуры армян. В статье анализируется ряд карасов со штампованными изображениями (из Двина, Ани и других мест). Все они связаны с культом плодородия, анимистическими и тотемическими верованиями, почитанием сил стихий и пр. Анализ штампованных изображений средних веков показывает, что они продолжают тысячелетнюю армянскую народную традицию орнаментации предметов быта и искусства.

<sup>49</sup> В. Н. Левиатов, Керамика старой Гянджи, стр. 8.

<sup>50</sup> А. А. Рамашкевич, Изваяния и изображения тьвов в Иране, М.—Л., 1939, стр. 215.

<sup>51</sup> 1910 թ. պեղումների ժամանակ Անիում գտնված զլանաձև կնիքը և կարասների այն թվերները, որոնք իրենց վրա ունեն զրոշմերու եղանակով արված հաշերենք արձանադրությունները (№ № 21, 31) մեկ անգամ ևս հաստատում են այդ փաստը։